

將進酒

唐·李白

- 1 君不見黃河之水天上來，奔流到海不復回？
 - 2 君不見高堂明鏡悲白髮，朝如青絲暮成雪？
 - 3 人生得意須盡歡，莫使金樽空對月。
 - 4 天生我材必有用，千金散盡還復來。
 - 5 烹羊宰牛且為樂，會須一飲三百杯。
 - 6 岑夫子，丹丘生，將進酒，杯莫停。
 - 7 與君歌一曲，請君為我傾耳聽。
 - 8 鐘鼓饌玉不足貴，但願長醉不願醒。
 - 9 古來聖賢皆寂寞，惟有飲者留其名。
- A 陳王昔時宴平樂，斗酒十千恣歡謔。
- B 主人何為言少錢，徑須沽取對君酌。
- C 五花馬，千金裘，
- D 呼兒將出換美酒，與爾同銷萬古愁！



念奴嬌

北宋 · 蘇軾

(赤壁懷古)

- 1 大江東去，浪淘盡，千古風流人物。
- 2 故壘西邊，人道是三國周郎赤壁。
- 3 亂石崩雲，驚濤裂岸，捲起千堆雪。
- 4 江山如畫，一時多少豪傑。
- 5 遙想公瑾當年，小喬初嫁了，雄姿英發。
- 6 羽扇綸巾，談笑間檣櫓灰飛煙滅。
- 7 故國神遊，多情應笑我，早生華髮。
- 8 人如夢，一尊還酹江月。

